



Page: 6

Reach: 0

Country: BOSNIA AND HERZEGOVINA

Size: 154 cm2

1 / 1

## Istraga protiv devet osoba iz Tešnja

Kantonalno tužilaštvo Zeničko-dobojskog kantona preuzelo je slučaj vezan za skrivanje vojnog oružanja na području općine Tešanj. Kako smo saznali od portparola Tužilaštva Sanjina Kulenovića, 14. januara ovaj slučaj im je ustupilo Tužilaštvo Bosne i Hercegovine koje je donijelo naredbu o neprovođenju istrage za krivična djela iz njihove nadležnosti.

Ovaj predmet je već dat u rad, a kako saznaje Oslobodjenje, njime je obuhvaćeno devet osoba, među

kojima su kao prvoosumnjичeni Šemsudin Mehmedović, poslanik SDA u Parlamentu BiH, nekadašnji ministar unutrašnjih poslova ZDK-a, te kao drugoosumnjичeni bivši načelnik policije ZDK-a Mujo Zukanović, trenutno savjetnik federalnog ministra za izbjeglice Adila Osmanovića. Devetorka se sumnjiči za krivična djela nedozvoljeno držanje oružja i izazivanje opće opasnosti.

Kontaktirali smo Šemsudina Mehmedovića koji je odbio da proko-



mentariše najnovija dešavanja o ovom slučaju.

Podsjetimo, na lokalitetu u blizini Crnog vrha kod Tešnja 1. novembra 2013. pronađena su 652 projektila za bestrajni top, kalibra 84 mm. Radi se o više vrsta projektila - rasprskavajućim, kumulativnim, osvjetljavajućim i dimnim. Pronašli su ih mještani koji su bili u berbi šumskih gljiva. Na području Tešnja nekoliko

mjeseci ranije, tačnije u julu 2013, pripadnici SIPA pronašli su u selu Kalošević 588 kumulativnih projektila za ručni raketni bacač RPG, 589 barutnih punjenja za projektele i 60 projektila tipa 84 milimetra za bestrajni top, koji su bili zakopani nekoliko metara pod zemljom. Riječ je o najvećoj količini vojnog oružanja koja je pronađena od završetka rata u BiH. **MI. D.**